



გორის მუნიციპალიტეტის

საკრებულოს

განკარგულება № 7

2018 წლის 12 იანვარი

ქ. გორი

გორის მუნიციპალიტეტის სპორტის განვითარების პროგრამის დამტკიცების შესახებ

გორის მუნიციპალიტეტის ტერიტორიაზე მოღვაწეობს მრავალი წარმატებული ადამიანი, რომელთა საქმიანობა მიმართულია სპორტული ცხოვრებისაკენ. გორის მუნიციპალიტეტის მერია აცხადებს მზადყოფნას გარკვეული თანხით წახალისოს ყველა ის პერსპექტიული სპორტსმენი, რომელიც თავისი შედეგებით და მიღწევებით წარმოაჩენს თავს, გააუმჯობესებს სპორტულ შედეგებს, გამართავს გორის მუნიციპალიტეტის ტერიტორიაზე სპორტულ ღონისძიებებს, მონაწილეობას მიიღებს მნიშვნელოვან სპორტულ შეჯიბრში საქართველოს ფარგლებს გარეთ. გორის მუნიციპალიტეტის მერია მზადაა შეზღუდული შესაძლებლობის მქონე პირთათვის შესაძლებელი გახადოს სხვადასხვა სპორტულ აქტივობებში მონაწილეობის მიღება. გარკვეული სახით ხელი შეუწყოს და განავითაროს მასიური სპორტი, რომელიც შესაძლებელს გახდის საზოგადოებაში ჯანსაღი წესის დამკვიდრებას. გორის მუნიციპალიტეტის მერიის სპორტის განვითარების პროგრამა მოიცავს ოთხ დამოუკიდებელ პროექტს, რომელიც მიზნად ისახავს გორის მუნიციპალიტეტში სპორტის განვითარების ხელშეწყობას.

აღნიშნულიდან გამომდინარე გორის მუნიციპალიტეტის მერს და გორის მუნიციპალიტეტის საკრებულოს მიზანშეწონილად მიაჩნიათ დამტკიცდეს „გორის მუნიციპალიტეტის სპორტის განვითარების პროგრამა“.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 და მე-4 პუნქტების, მე-19 მუხლის „ბ“ ქვეპუნქტის და 61-ე მუხლის 1-ლი და მე-2 პუნქტების შესაბამისად, გორის მუნიციპალიტეტის საკრებულო ადგენს:

1. დამტკიცდეს „გორის მუნიციპალიტეტის სპორტის განვითარების პროგრამა“ დანართი №1-ის (თან ერთვის 7 ფურცლად) შესაბამისად.
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

გორის მუნიციპალიტეტის სპორტის განვითარების პროგრამა

1. პროგრამის სახელწოდებაა: გორის მუნიციპალიტეტის სპორტის განვითარების პროგრამა
2. პროგრამის განხორციელების არეალი: გორის მუნიციპალიტეტი
3. პროგრამის (ქვეპროგრამის) დაწყებისა და დამთავრების თარიღი: 2018 წლის იანვარი-2018 წლის დეკემბერი
4. პროგრამის ორგანიზაციული კოდი საბიუჯეტო კლასიფიკაციით - 05 01 01 -
5. პროგრამის დაფინანსების წყარო : ძირითადი – გორის მუნიციპალიტეტის ბიუჯეტი
6. პროგრამის განხორციელებაზე პასუხისმგებელი სამსახური: გორის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახური
7. პროგრამის ანოტაცია, განსახორციელებელი პროექტები და მისი შესრულების პრინციპები:

აღნიშნული პროგრამა მოიცავს ოთხ დამოუკიდებელ პროექტს, რომელიც მიზნად ისახავს გორის მუნიციპალიტეტში სპორტის განვითარების ხელშეწყობას.

პერსპექტიული სპორტსმენების დაფინანსების მუხლში, პროგრამა ითვალისწინებს სპორტის ოლიმპიურ სახეობებს.

პროექტის დასახელებები:

- პერსპექტიული სპორტსმენების ხელშეწყობის პროექტი
- მასობრივი სპორტის განვითარების და შეზღუდული შესაძლებლობის მქონე პირთა ხელშეწყობის პროექტი
- წარმატებული სპორტსმენებისა და მწვრთნელების დაჯილდოების პროექტი
- სასკოლო სპორტული ოლიმპიადა

პერსპექტიული სპორტსმენების ხელშეწყობის

პროექტი

პროექტის განხორციელების პრინციპები:

გორის მუნიციპალიტეტის ტერიტორიაზე მოღვაწეობს მრავალი პერსპექტიული ადამიანი, რომელთა საქმიანობა მიმართულია სპორტული ცხოვრებისაკენ.

გორის მუნიციპალიტეტი აცხადებს მზადყოფნას გარკვეული თანხით წახალისოს ყველა ის პერსპექტიული სპორტსმენი, რომელიც თავისი შედეგებით და მიღწევებით წარმოაჩენს თავს, გააუმჯობესებს სპორტულ შედეგებს, გამართავს გორის მუნიციპალიტეტის ტერიტორიაზე სპორტულ ღონისძიებებს ან/და მონაწილეობას მიიღებს მნიშვნელოვან სპორტულ შეჯიბრში საქართველოს ფარგლებს გარეთ. თანადაფინანსება ითვალისწინებს ტრანსპორტირების ხარჯების ანაზღაურებას. პროგრამა არ აფინანსებს სპორტსმენის მიერ გარკვეულ ღონისძიებაში მონაწილეობისთვის საჭირო საწევროს გადასახადს. პროგრამით მოსარგებლე სპორტსმენმა უნდა დასაბუთოს რა სპორტული შედეგის გაუმჯობესებისათვის ესაჭიროება კონკრეტულ სპორტულ შეჯიბრში მონაწილეობა.

➤ პროგრამის მიზნები და მათი მიღწევის შეფასების ინდიკატორები

№	პროგრამის მიზნები	მიზნების მიღწევის შეფასების ინდიკატორები
1	გორის მუნიციპალიტეტის ტერიტორიაზე რეგისტრირებული და მოღვაწე პერსპექტიული სპორტსმენების ტურნირებში მონაწილეობის ხელშეწყობა.	პერსპექტიული ახალგაზრდა სპორტსმენები

➤ პროგრამით მოსარგებლე პირთა (მომხმარებელთა) რაოდენობა და კატეგორია

№	მომხმარებელთა კატეგორია	რაოდენობა	პროგრამით გათვალისწინებული დახმარება	შენიშვნა

1.	პერსპექტიული სპორტსმენები		თანადაფინანსება	
	სულ:			

პროექტ №2

მასობრივი სპორტის განვითარების და შეზღუდული შესაძლებლობის მქონე პირთა ხელშეწყობის პროექტი

პროექტის განხორციელების პრინციპები:

გორის მუნიციპალიტეტის აცხადებს მზადყოფნას გარკვეული სახით ხელი შეუწყოს და განავითაროს მასობრივი სპორტი, აგრეთვე შეზღუდული შესაძლებლობის მქონე პირთათვის შესაძლებელი გახადოს სხვადასხვა სპორტულ აქტივობებში მონაწილეობის მიღება. ეს პროექტი შესაძლებელს გახდის საზოგადოებაში ჯანსაღი წესის დამკვიდრებას.

➤ პროგრამის მიზნები და მათი მიღწევის შეფასების ინდიკატორები

№	პროგრამის მიზნები	მიზნების მიღწევის შეფასების ინდიკატორები
1.	გორის მუნიციპალიტეტის ტერიტორიაზე მასობრივი სპორტის განვითარების მიზნით, სხვადასხვა სპორტული ღონისძიებების ხელშეწყობა. შეზღუდული შესაძლებლობის მქონე პირთა ჩართულობა სპორტულ ღონისძიებებში.	წლის განმავლობაში ნაჩვენები შედეგი

2.	გორის მუნიციპალიტეტის მიერ ორგანიზებული სხვადასხვა სპორტული აქტივობების ხელშეწყობა	ღონისძიებების დაფინანსება და ჯილდოები
----	--	---------------------------------------

➤ პროგრამით მოსარგებლე პირთა (მომხმარებელთა) რაოდენობა და კატეგორია

№	მომხმარებელთა კატეგორია	რაოდენობა	პროგრამით გათვალისწინებული დახმარება	შენიშვნა
1.	ყველა ასაკის	განუსაზღვრელი	ღონისძიებების დაფინანსება და ჯილდოები	
2.	შეზღუდული შესაძლებლობის მქონე პირები			

პროექტ №3

წარმატებული სპორტსმენებისა და მწვრთნელების დაჯილდოვების

პროექტი

პროექტის განხორციელების პრინციპები:

გორის მუნიციპალიტეტის ტერიტორიაზე მოღვაწეობს მრავალი წარმატებული ადამიანი, რომელთა საქმიანობა მიმართულია სპორტული ცხოვრებისაკენ.

გორის მუნიციპალიტეტი აცხადებს მზადყოფნას გარკვეული თანხით წახალისოს და დააჯილდოვოს ყველა ის წარმატებული მწვრთნელი და სპორტსმენი, რომელიც თავისი

შედეგებით და მიღწევებით წარმოაჩენს თავს, გააუმჯობესებს სპორტულ შედეგებს, გამართავს გორის მუნიციპალიტეტის ტერიტორიაზე სპორტულ ღონისძიებებს, მონაწილეობას მიიღებს მნიშვნელოვან სპორტულ შეჯიბრში საქართველოს ფარგლებს გარეთ.

➤ პროგრამის მიზნები და მათი მიღწევის შეფასების ინდიკატორები

№	პროგრამის მიზნები	მიზნების მიღწევის შეფასების ინდიკატორები
1.	გორის მუნიციპალიტეტის ტერიტორიაზე რეგისტრირებული და მოღვაწე წარმატებული მწვრთნელებისა და სპორტსმენების დაჯილდოვება	წლის განმავლობაში ნაჩვენები შედეგი

➤ პროგრამით მოსარგებლე პირთა (მომხმარებელთა) რაოდენობა და კატეგორია

№	მომხმარებელთა კატეგორია	რაოდენობა	პროგრამით გათვალისწინებული დახმარება	შენიშვნა
1.	წარმატებული მწვრთნელები და სპორტსმენები	-	ფულადი ჯილდო, ფასიანი საჩუქრები.	
სულ:				

სასკოლო სპორტული ოლიმპიადა

პროექტის განხორციელების პრინციპები:

გორის მუნიციპალიტეტის ტერიტორიაზე არსებული საჯარო სკოლის მოსწავლეები, შესაბამის ასაკში იღებენ მონაწილეობას საქართველოს სპორტისა და ახალგაზრდულ საქმეთა სამინისტროს მიერ დადგენილ სპორტის სახეობებში.

გორის მუნიციპალიტეტის მერიის მერიის განათლების, კულტურის, სპორტის და ახალგაზრდულ საქმეთა სამსახურის სპორტის განყოფილება უწევს კოორდინაციას და ორგანიზებას შესაბამის სპორტულ ღონისძიებების ჩატარებასა და მონიტორინგს. შესაბამის ტურნირზე გამარჯვებული სკოლები სხვადასხვა სახეობებში მონაწილეობას მიიღებენ საქართველოს ჩემპიონატში, მსგავს ღონისძიებებში გამარჯვებულ სკოლებთან და გამარჯვებული სკოლა საქართველოს წარადგენს მსოფლიო სასკოლო ოლიმპიადაზე.

- ❖ ღონისძიების სრულყოფილად ჩატარებისთვის გორის მუნიციპალიტეტის მერიამ უნდა უზრუნველყოს მონაწილე გუნდებისთვის ეკიპირების, სიგელების და თასების შესყიდვა.

დაფინანსების პროცედურა განხორციელდება:

ა) გორის მუნიციპალიტეტის მერიის მიერ თანადაფინანსება განხორციელდება იმ კერძო სამართლის იურიდიული პირებისა და სპორტსმენებისათვის, რომელთაც სპორტული ღონისძიების განხორციელებისათვის/მონაწილეობისათვის ექნებათ გარკვეული ფინანსური ან ტექნიკური მხარდაჭერა.

ბ) თანადაფინანსება განხორციელდება კონკრეტული წინადადების ან ინიციატივის განხილვის შემდეგ, რომელსაც განიხილავს გორის მუნიციპალიტეტის მერიის განათლების, კულტურის, სპორტის და ახალგაზრდულ საქმეთა სამსახური.

გ) გორის მუნიციპალიტეტის მერიის მხრიდან თანხის ანაზღაურება (გადარიცხვა) მოხდება გორის მუნიციპალიტეტის მერიაში ხარჯვის დამადასტურებელი დოკუმენტების (მიღება-ჩაბარების აქტი, ხელშეკრულება, ინვოისი, ხარჯთაღრიცხვა, სასაქონლო ზედნადები, ანგარიშ-ფაქტურა, სახელფასო უწყისი) წარდგენის შემდეგ.